

## कुण जाणे या माया श्याम की

कुण जाणे या माया श्याम की,  
अजब निराली रै,  
तिरलोकी को नाथ जाट को,  
बण गयो हाली, बण गयो हाली,  
बण गयो हाली रै,  
तिरलोकी को नाथ जाट को,  
बण गयो हाली रै॥

सौ बीघा को खेत जाट को,  
श्याम भरोसे खेती रै,  
आधा में तो गेहूँ चणा और,  
आधा में दाणा मैथी रै,  
बिना बाड़ को खेत जाट को,  
श्याम रुखाली रै,  
तिरलोकी को नाथ जाट को,  
बण गयो हाली रै॥

भूरी भैंस चमकणी जाट के,  
दो छैरा दो नारा रे,  
बिना बाड़ को बाड़ो ज्या में,  
बाँधे न्यारा न्यारा रे,  
आवे चोर जद ऊबो दिखे,  
काढ़े गाली रै,  
तिरलोकी को नाथ जाट को,  
बण गयो हाली रै॥

जाट जाटणी निर्भय सोवे,  
सोवे छौरा छोरी रे,  
श्याम धणी पहरे के ऊपर,  
कईयाँ होवे चोरी रे,  
चोर लगावे नितकी चक्कर,  
जावे खाली रे,  
तिरलोकी को नाथ जाट को,  
बण गयो हाली रै॥

बाजरे की रोटी खावे,  
ऊपर घी को लचको रे,  
पालक की तरकारी सागे,  
भरे मूली को बटको रै,  
छाछ राबड़ी करे कलेवो,  
भर भर थाली रै,  
तिरलोकी को नाथ जाट को,

बण गयो हाली रै॥

सोहनलाल लोहाकर बोले,  
यो घर भक्ता के जावे रे,  
धावलिये री ओल बैठ कदे,  
श्याम खीचड़ो खावे रे,  
भक्ता के संग नाचे गावे,  
दे दे ताली रे,  
तिरलोकी को नाथ जाट को,  
बण गयो हाली रै॥

कुण जाणे या माया श्याम की,  
अजब निराली रै,  
तिरलोकी को नाथ जाट को,  
बण गयो हाली रै.....

स्वर : [लखबीर सिंह लक्खा](#)

<https://bhajanganga.com/bhajan/lyrics/id/24237/title/kun-jaane-ya-maya-shyam-ki>

अपने Android मोबाइल पर [BhajanGanga](#) App डाउनलोड करें और भजनों का आनंद ले |